

## PAANO NABIBIKTIMA ANG BATA NG ONLINE SEXUAL ABUSE O CYBERSEX? SINO ANG NANGBIBIKTIMA?



Kadalasan, mga kakilala rin ng bata ang nagre-recruit sa kanila, maaaring kamag-anak, kapitbahay o miyembro ng komunidad. Aalukin ng recruiter ang bata ng pera o libreng pagpapagamit ng Internet para magpunta ito sa bahay kung saan ginagawa ang ilegal na aktibidad. Pag napapayag na ang bata ay uutusan o pipilitin ito na maghubad at umakto ng sekswal sa harap ng webcam kung saan may nanonood na kadalasan ay foreigner mula sa iba't ibang parte ng mundo. Minsan ay magulang mismo ang humihimok sa sariling anak na sumali sa cybersex kapalit ng pera.

Marami ring bata ang naloloko ng kanilang mga ka-chat. Akala ng bata ay bata rin ang kanyang kausap pero yun pala ay matanda ito at gumagamit lamang ng pekeng profile photo at information.

### BATA, KARAPATAN MONG MAGING LIGTAS ONLINE! SUNDIN ANG IBIBIGAY KONG TIPS PARA MAKAIWAS SA PANG-AABUSO.

1. Siguruhing naka-private mode ang lahat ng social media accounts at huwag magbibigay ng maseselang impormasyon gaya ng full name, age, address at contact details.
2. Huwag mag-post ng mga sekswal na larawan dahil pwede itong kumalat at hindi na mabura kailanman.
3. Maging mapili at maingat sa kung kanino kokonekta sa internet. Hangga't maaari, makipag-chat lang sa kakilala.
4. Itigil ang pakikipag-usap online kapag hindi ka na komportable sa mga sinasabi o sinesend ng ka-chat. Agad na isumbong sa magulang kung may nangyaring hindi mo nagustuhan.
5. Huwag makipagkita (makipag-eyeball) sa mga nakilala mo lang sa internet, o kaya siguruhing may kasamang nakatatanda at mapagkakatiwalaang tao sakaling ikaw ay makikipagkita. Sa matao at pampublikong lugar lamang makipagkita para madaling makahingi ng saklolo kung kakailanganin. Sakaling yayain ka, huwag basta sasama sa taong ito.
6. Huwag mag-like, share o manood ng mga sekswal na materyal lalo na kung may bata sa nasabing materyal. Ito ay ipinagbabawal sa Republic Act 9775 or Anti-Child Pornography Law.
7. Ibahagi sa mga kapwa mo bata ang online safety tips na ito.
8. Kapag may nagtangkang kunan ka ng sekswal na picture o video gamit ang anumang gadget...

## TUMANGGI, TUMAKBO, at MAGSUMBONG!

